

駁案新編

卷五

駁案新編卷十六

目錄

刑律人命

比照捕役拏賊而誤殺無干之人照過失殺人

過失殺人

烏槍誤傷比照捕戶致死人命滿徒

妻毆罵夫父母夫擅殺

夫毆妻至死擬徒

聽從妻母將妻勒斃

駁案新編卷十大

刑律人命

地無千之
人照過失
人照過失

廣西司 一起爲窮明事會看得西林縣民班布屑疑賊擲標誤傷王布安身死一案先據廣西巡撫宋邦綏疏稱緣王布安受僱於遮巖寨民韋布蟒家傭工王布安見遮巖寨荒山易墾遂攜妻王氏并帶二子移居就墾乾隆三十年二月十八日晚班布屑有牛五隻放山牧草至夜不見回欄疑是被竊班布屑遂邀鄰人韋布蟒王布安等幫同找尋各執標槍柴刀等械防身行至寨外水溝分爲兩起韋布蟒往東首山坡王布安班布屑等往西首大路至賣飯坡地方卽獲黃牛二隻班布屑將牛拴繫草亭因尙有牛三隻未獲王布安仍執持標槍往前尋覓班布屑執標槍後行前後相隔丈餘王布安行至道側樹林下卽聲喊有賊先用標槍擲入林內維時月色昏暗山峰隔掩亮光林下不能詳視班布屑聞聲接應見林內黑影搖動又風吹葉響疑果有賊潛匿卽轉身向東持標向樹林內擲去不期王布安亦轉身向東跑過湊值槍鋒中傷右脇穿透左脇倒地班布屑急向攙扶卽趕報屍妻王氏喊同韋布蟒等攙回旋即殞命報縣驗審班布屑實係疑賊擲標誤傷王布安身死將班布屑比照罪人不拒捕而擅殺律擬絞等因具題前來查王布安係同行捕賊之人並非罪人而班布屑意在捕賊誤中王布安致死並非擅殺援

照罪人不拒捕而擅殺與例不符查班布屑與王布安一同捕賊如果擲標誤中王布安身死自有擊賊誤殺無干之定例但班布屑擲標之時相隔不過丈餘何以竟至誤中恐有致死別情行令再加研訊實情妥協定擬具題到日再議等因題駁去後續據該撫疏稱遵駁覆加研訊據班布屑堅供與王布安素相交好委無嫌隙班布屑持標擲賊與王布安雖相距不過丈餘維時班布屑轉身向東王布安先係向西前走槍鋒勢不能及不虞王布安亦轉身向東跑回猝不及防因而誤中致斃實出意料之外前擬比照罪人不拒捕而擅殺律誠有未符將班布屑照捕役擊賊誤殺無干之人例照過失殺人准鬪殺罪收贖等因具題前來應如該撫所題班布屑應比照捕役擊賊與賊格鬪而誤殺無干之人照過失殺人准鬪殺罪收贖例應照過失殺人律追銀十二兩四錢二分給付屍親收領等因乾隆三十一年十一月初五日題初八日奉旨依議欽此

廣東司一起為弟死非命等事會看得茂名縣民黃中著被拉掙脫致程明世跌傷身死一案先據廣東巡撫王檢疏稱緣乾隆三十一年五月初二日程明世挑糕餅赴墟賣畢在墟買酒飲醉挑擔轉回經過龔世方鋪前放擔歇息拾起地上柴棍戲舞適黃中著走至程明世丟棄柴棍用兩手拉住黃中著右手腕欲與比力黃中著不肯程明世拉緊不放黃中著用力掙脫不期程明世站立不穩側跌倒地被柴

塊墊傷左太陽連右耳竅并柴枝戳傷偏左旋即殞命查程明世拉住黃中著比力雖係因戲起釁但黃中著掙脫致程明世跌傷身死應仍以鬪殺論將黃中著依鬪毆殺人律擬絞監候等因具題前來查鬪毆律註云相爭爲鬪相打爲毆必實係有爭鬪情形因而致死方可以鬪殺定擬今黃中著因程明世醉後拉住伊手欲與比力黃中著不肯程明世拉緊不放黃中著用力掙脫不期程明世站立不穩側跌柴塊之上墊傷左太陽等處殞命詳核案情黃中著如果被拉掙脫屬實則該犯止圖自行脫身並未與程明世互相戲謔不但無爭鬪情形且非戲殺可比其程明世站立不穩失跌致斃初非黃中著意料所及正與過失殺人律內初無害人之意偶致殺人之律註相符今該撫卽坐以鬪殺論絞殊未允協如黃中著當日另有爭鬪情形亦當嚴訊確供以成信讞未便據此掙脫供情率行定擬應令該撫另行確訊妥擬具題到日再議等因題駁去後續據兩廣總督兼管廣東巡撫李侍堯疏稱查黃中著實因程明世酒醉用手拉住不放惟恐糾纏生事用力掙脫止圖自己脫身並無戲謔爭鬪情事是程明世站立不穩失跌致斃實非黃中著意料所及誠如部駁與過失殺人律內初無害人之意偶致殺人之律註相符將黃中著改依過失殺人律收贖等因具題前來應如該撫所題黃中著合依過失殺人者准鬪殺罪依律追收贖銀一十二兩四錢二分給付屍親收領等因乾隆三十二年十二月十三日題十六日奉

屬槍傷
比照槍戶
數死八人
總數

首依議欽此

江西司 一起爲報驗事看得興國縣民黃昌懷放槍打鹿過失致傷姚文貴身死一案據江西巡撫海成咨稱緣黃昌懷姚文貴均係獵戶素無嫌怨乾隆三十八年十一月二十一日姚文貴邀黃昌懷並獵戶楊奉祥郭必茂同往包家山打獵訂於次日山口會齊黃昌懷依允二十二日黃昌懷攜帶鳥槍并邀獵戶黃猷宗攜帶槍狗同至山口姚文貴先已攜帶槍狗楊奉祥郭必茂各帶鳥槍在彼等候一共五人齊至山上擺開圍場姚文貴在正南黃昌懷在正東油樹林內楊奉祥郭必茂各坐守山頭黃猷宗帶狗搜山有麋子一隻跑向東南楊奉祥施放鳥槍未著麋子復跑往正南姚文貴打槍亦未放中遂架槍追趕比黃昌懷在油樹林內聽聞東南正南兩處先後槍響已將手中之槍裝放砂子安好火繩卽從樹林內出看望見一鹿在西南山上亂跑將槍點放向打不料鹿已跑脫恰值姚文貴架槍突出時黃昌懷之槍已發適中姚文貴食氣噤心坎等處滾跌下坑擦傷左額角左眉等處黃昌懷驚慌棄槍跑至山坑楊奉祥等在高處望見先後趕至扶救詎姚文貴傷重旋即殞命比楊奉祥等遂欲通知親屬黃昌懷畏罪央求隱瞞捏爲自行跌死楊奉祥等亦各圖免累應允黃昌懷隨將姚文貴之槍藏放草窩各散時姚文貴所帶獵狗自行走回屍兄姚文興以伊弟攜槍帶狗出門與黃昌懷楊奉祥等同伴打獵至晚未回次

日前往各家尋問黃昌懷等均各躲匿不見至二十五日尋獲屍身投保報縣驗訊據黃昌懷將打獸失傷致斃情由供認不諱究無別釁爭鬪情事查黃昌懷見鹿跑走施放鳥槍不料鹿已跑脫而姚文貴亦因趕鹿突行奔出黃昌懷因槍已點放猝不能收適傷姚文貴身死正與耳目所不及思慮所不到初無害人之意偶致殺傷人之律註相符黃昌懷合依過失殺人者准鬪殺罪依律追收贖銀一十二兩四錢二分給付被殺之家收領營葬楊奉祥郭必茂黃謙宗明知黃昌懷槍傷姚文貴身死乃聽從扶同隱匿並不報官雖據訊無受賄情事究屬不合均應照不應重律各杖八十飭先折責發落鳥槍均經編號除黃昌懷姚文貴鳥槍應行銷毀外其楊奉祥郭必茂黃謙宗所繳之槍均仍給還等因前來查黃昌懷放槍打鹿致傷姚文貴身死一案業經本部條奏捕獵殺人定例改擬杖一百徒三年行文該撫在案餘如該撫所咨完結可也乾隆三十九年八月二十九日內閣奉 上諭昨日圍場內有虎槍護軍因射生失手誤傷圍場蒙古兵之事已交行在刑部問擬若所射之蒙古兵竟因傷而死則其情甚爲可憫而射人之護軍情罪較重乃刑律於此事向無專條而兵部收獵例載凡人用箭傷平人有分別鞭責追銀給與被射之人卽因而致死者僅追銀兩鞭一百亦不擬抵圍場向用此例揆之情理未爲允協此等雖傷出無心但其人因傷致斃人命攸關豈可僅以罰責完結而圍場內控弦馳射乃得心應手之事更非刑

律過失殺所云耳目心思所不及者可比若不另定科條則隨手施放誤殺誤傷者尙知所懲儆乎卽如
刑律戲殺條下載比較拳棒之類傷人死者以鬪殺傷擬絞自可爲此事比例若傷而未死又當別有等
差其應如何分別定罪之處著軍機大臣定擬具奏欽此隨經軍機大臣奏准定例凡圍場內應行射獸
之兵丁等因射獸而誤傷平人致死者照比較拳棒戲殺律擬絞監候仍追銀給付死者之家如係前鋒
等給銀一百兩係跟役給銀五十兩等因具奏奉 旨依議欽此刑部謹 奏爲請酌定捕獵殺人之

例以昭審慎事查過失殺人律註內載彈射禽獸不期而殺人者皆准鬪殺罪依律收贖給被殺之家營
葬等語 臣部及外省問刑衙門向來辦理施槍放箭打射禽獸不期殺人之案皆因其非耳目思慮所及
與初無害人之意而偶致殺傷人之律義相符遂悉照過失殺人律收贖又查本年八月內軍機大臣遵
奉 諭旨議定圍場新例內開凡圍場內應行射獸之兵丁等因射獸而誤傷平人致死者照比較拳

棒戲殺律擬絞監候仍追銀給付死者之家如係前鋒護軍親軍領催及甲兵等給銀一百兩係跟役給
銀五十兩等語奏明辦理在案今據江西巡撫海成咨稱興國縣民黃昌懷放槍打鹿致傷姚文貴身死
一案緣姚文貴約同黃昌懷等共五人往山打獵分立各處見鹿子跑出姚文貴放槍未中遂架槍追趕
而黃昌懷亦見鹿放槍不料鹿已跑過恰值姚文貴突出黃昌懷猝不能收以致槍子適中姚文貴心坎

等處殞命該撫將黃昌懷照過失殺人律收贖等因前來臣等伏思民間捕獵施放槍箭打射禽獸多在深山曠野之中往往有不期殺人之案但獵戶之射捕禽獸或一人獨行或三五人偕往此與圍場重地人騎衆多左關右碍乃控弦馳射漫不審慎因而致死人命者情節雖稍有不同但捕獵施放槍箭原應重加審慎乃任意施放全無顧忌以致適傷釀命迨至到官僅照過失收贖其情已爲未協且恐粗猛之徒知有此律其畏法之心輕則貪獲之念重不但不足以禁戒甚或有明知而故犯者不可不防微以杜漸也臣等詳加斟酌除圍場重地兵丁射獸誤傷平人遵照新定之例辦理外其有民人捕獵遇有施放槍箭打射禽獸不期殺人者應請比照捕戶於深山曠野安置窩弓不立望竿因而傷人致死律杖一百徒三年仍追埋葬銀一十兩俾愚民皆知一經失手致斃人命卽干滿徒罪名共相儆惕庶情法均歸平允如蒙 俞准所有現在黃昌懷致傷姚文貴身死一案卽照此辦理并載入例冊通行直省各督撫一體遵照爲此謹 奏請 旨乾隆三十九年十月十七日奏本日奉 旨依議欽此

河南司 一起爲稟明事會看得新安縣民韓雲等勒死王氏一案先據河南巡撫何燭疏稱緣韓雲與韓平係同胞兄弟韓雲之妻王氏悍潑性成與韓雲素不和睦乾隆三十五年二月間王氏因家無用度與夫韓雲吵鬧韓雲之父韓中倫斥責其非被王氏拾石擲打未中韓中倫欲行送官鄉保陳思霽再四

勸處令王氏服禮寢息迨三十六年七月十四日早韓雲因衣服汗污令王氏漿洗王氏不允韓雲用言斥責王氏卽行回罵辱及翁姑韓雲欲拉氏訴知父母不防王氏用手又傷韓雲咽喉倒地以致墊傷腦後一時昏暈經韓中倫同妻潘氏踵至救醒王氏亦潛歸母家是日韓雲同父食飯韓中倫因媳悍潑氣忿墜淚食不下咽韓雲目擊心傷并觸起王氏將伊又跌致傷之隙痛恨莫釋遂起意致死洩忿告知韓中倫亦不阻止韓雲復慮一人難以制服卽往草地尋見伊兄韓平懇其幫同勒死王氏韓平初猶不允後因韓雲再三懇求并以忤逆不孝之人處死無礙之語懇思韓平遂爾允從至十七日將晚王氏自母家回歸旋卽進房就寢韓雲俟其睡熟密告韓平隨同入室韓雲尋取麻繩將繩頭從王氏頸下遞過繞轉咽喉與韓平分執繩頭用力拉勒王氏立時斃命經韓中倫通知王氏之弟王合報縣驗訊通詳飭審研訊該犯等供認不諱查王氏雖曾拾石擲毆伊翁但事久寢息今次晉及翁姑亦未親告不足爲據韓雲商同韓平謀死王氏未便因此稍爲輕減韓雲謀死伊妻律同故殺韓平幫同謀死弟妻應同凡論將韓雲依夫故殺妻律擬絞監候韓平依謀殺人從而加功律擬絞監候韓中倫韓潘氏擬杖等因具題前來查律載妻毆罵夫之祖父母父母不告官擅殺死者杖一百祖父父母父母親告乃坐各等語此案韓雲商同胞兄韓平勒死王氏之處細核案情韓雲之父韓中倫因斥責王氏潑悍及被拾石毆打韓中倫

欲行送官經鄉保陳思露勸息追韓雲令其洗衣不理又復冒及翁姑並將伊夫叉跌昏暈幾至於死伊父見而氣忿墜淚食不下咽是王氏忤逆已極實屬有罪之人韓雲目擊心傷起意向伊兄韓平商議致死韓平聽從幫同勒斃雖毆打伊翁事已寢息而干名犯義其罪終不容追且伊父韓中倫伊母韓潘氏并鄉保人等衆供確鑿實與親告無異至韓雲不告官司而殺其妻自有擅殺罪人之條韓平幫同致死忤逆之弟婦亦與別項加功者有間該撫將韓雲依故殺妻韓平坐以加功均擬絞候殊未允協應令該撫準情按律妥議具題到日再議等因題駁去後續據該撫何疏稱查此案先因王氏雖曾拾石擲毆並未傷及伊翁事隔年餘久經寢息今次究因夫婦角口起釁且冒及翁姑又未親告韓雲商同伊兄韓平將王氏謀勒斃命是以仍照謀殺本律問擬今悉心細加察核韓雲之父韓中倫先因斥責伊媳王氏潑悍反被王氏拾石拋擲韓中倫欲行送官經鄉保陳思露勸息追韓雲令其洗衣不理又復冒及翁姑并將伊夫叉跌昏暈幾致於死伊父見而氣忿墜淚食不下咽是王氏忤逆已極實屬有罪之人韓雲起意向伊兄韓平商謀致死韓平聽從幫同勒斃雖毆打伊翁事久寢息誠如部駁干名犯義其罪終不容追且伊父韓中倫伊母韓潘氏並鄉保人等衆供確鑿實與親告無異前將韓雲依夫故殺妻律擬以絞候實屬未協韓雲應依妻妾毆罵夫之父母而夫不告官擅殺死律杖一百至韓平係王氏夫兄王氏忤逆

非其夫與翁姑不得竟置以死且此次又係與其夫韓雲口角起釁與韓平本無干涉乃聽從幫勒斃命似應以凡論韓平應仍以謀殺人從而加功絞律擬絞監候等因具題前來查此案韓雲因伊妻王氏先曾拾石擲打伊父韓中倫未中復因令氏洗衣該氏將伊翁姑冒罵并將韓雲又跌幾斃韓雲起意將王氏勒死韓雲應如該撫改擬照妻妾毆罵夫之父母而夫不告官擅殺律杖一百折責發落至該撫所稱韓平聽從韓雲加功勒死王氏按律應以凡論將韓平仍擬絞抵但夫兄致死弟婦雖同凡論韓平係韓雲胞兄王氏毆冒韓雲父母即係韓平父母韓平因見伊父氣忿墜淚食不下咽遂聽從伊弟韓雲致死忤逆之婦實與尋常加功致死弟妻者有間韓平應照謀殺加功擬絞律量減一等杖一百流三千里等因乾隆三十八年三月初七日題初九日奉旨依議欽此

夫與妻
死與生

直隸司一起為報明事會看得隆平縣民王瑞因伊妻張氏忤逆其母糾同伊兄王大隴將張氏勒死一案先據直隸總督袁守侗疏稱緣王瑞向係習武娶妻張氏結縭多年張氏素性悍潑時與伊姑楊氏爭吵屢經王瑞訓誡不悛乾隆四十五年二月十五日張氏欲歸寧觀劇伊姑楊氏阻止張氏推跌倒地而去隣人王智警見扶送楊氏回家比伊子王大隴王瑞等自外回歸楊氏告知前情王瑞欲往毆責當經楊氏勸阻二十日張氏從母家來王瑞即將張氏訓罵迨二十二日下午時分張氏將飯喂犬楊氏理

斥張氏不服將楊氏比夫回置楊氏當加斥罵時王瑞同兄王大隴先後回寓楊氏告知前情王瑞見而氣忿踢傷張氏右膝張氏卽行走避王瑞等當向伊母楊氏勸慰旋各外出後張氏復以楊氏挑撥伊子毆踢之言混罵不休更餘時分王大隴自花廠回歸楊氏告知張氏復罵情由并自稱忿不欲生王大隴又復勸慰楊氏卽自就寢迨至二更王瑞拉弓歸家王大隴將張氏在家復罵及伊母忿不欲生之語轉向王瑞告知王瑞趕至屋內見張氏披衣坐炕責罵其非張氏頂撞撒潑稱欲尋死并拔頭上所戴骨簪自行劃傷心坎王瑞益加忿恨起意致死卽取枕邊布帶將張氏推倒在炕欲將張氏勒斃張氏掙扎致被王瑞指甲劃傷咽喉王瑞因力不能制喚令伊兄王大隴幫助王大隴始猶阻止後因王瑞以伊妻不死必致伊母氣死之言相激王大隴無奈勉從走進屋內將張氏左手按住王瑞用膝蓋壓住張氏右手將帶繞於張氏項脖勒緊挽結張氏腳蹬數下王大隴當卽走出王瑞恐張氏不死又取牆上所插紡線鐵鉗扎入張氏穀道立時斃命報驗屢審供認不諱查律載凡妻妾因毆罵夫之父母而夫擅殺死者杖一百親告乃坐又夫毆妻至死者絞監候故殺亦絞又例載秋審內如子婦不孝冒毆翁姑其夫忿激致斃此等情切天倫與尋常鬪狠者不同照免死減等例再減一等發落各等語此案王瑞之妻張氏將伊姑楊氏先後推跌冒罵王瑞欲行勒死不遂喚令伊兄王大隴幫同接手用帶繞勒氏頸又用鐵鉗扎斃

實由忿激所致但楊氏雖經到案供明究未先行親告且子婦冒罵翁姑被夫忿激致斃既有秋審再減明文則定案時自不得率引擅殺之條其謀殺妻命應依故殺法科罪將王瑞依故殺妻律擬絞監候王大隴照謀殺人從而加功絞律量減一等流三千里等因具題經臣部等衙門查律載妻妾毆夫之祖父母父母者斬罵者絞又凡妻妾因毆罵夫之祖父母父母而夫擅殺死者杖一百註云親告乃坐等語細釋律意原恐夫妻不睦或因他事起釁追毆斃之後捏情卸罪而父母因溺愛其子亦附會妄供圖脫子罪故須親告乃坐至若媳忤其姑見證確鑿其媳實係罪犯應死之人卽當準情引律以正倫常而維風教此案王瑞之妻張氏欲歸寧觀劇伊姑楊氏阻止張氏執意前行楊氏至街拉住張氏將楊氏推跌倒地有隣人王智目睹扶送楊氏回家嗣張氏將飯喂犬楊氏理斥張氏不服比犬混罵當經王瑞同兄王大隴回歸楊氏告知情由王瑞氣忿踢傷張氏右膝并向伊母勸慰張氏復以楊氏挑唆伊子毆踢混罵不休楊氏忿不欲生王瑞責罵張氏猶頂撞撒潑以致王瑞忿激交加起意致死核其情節此等悍潑之婦毆罵其姑實屬罪干惡逆不但伊母楊氏到案確供且有隣人王智當場目睹情非捏飾卽與親告無異其夫王瑞情切天倫忿激致斃實屬擅殺如謂該犯於勒緊項脖之後恐其不死復取紡線鐵鉗扎入穀道立斃其命情較殘忍亦可於擅殺本律上酌量加等定擬已足蔽辜今該督將王瑞遠依故殺本律

以減抵尋屬情輕法重罪關出入未便率覆應令該督另行按律妥擬具題到日再議等因奉 旨

部駁甚是依議欽此咨行該督去後續據該督疏稱查張氏始欲歸盜觀劇因伊姑楊氏拉阻輒將楊氏推跌倒地繼復屢次辱罵以致楊氏忿不欲生及至伊夫王瑞責罵其非猶不自知引咎反行頂撞撒潑非獨楊氏到案供吐確鑿兼有隣人王智目睹可證是楊氏雖未先行親告實與親告無異王瑞一時情切天倫忿激致斃前照故殺妻律擬以絞抵實屬情輕法重惟是王瑞於勒緊張氏項脖之後復用鐵錘扎入穀道立斃其命情較殘忍若僅照擅殺本律定擬又覺不足蔽辜將王瑞改照擅殺本律上加等擬徒王大隴擬杖等因具 題前來應如該督所題王瑞應照妻毆罵夫之父母而夫擅殺者杖一百律上

量加一等杖六十徒一年至配所折責二十板該督既稱王大隴係張氏夫兄當伊弟王瑞欲將張氏勒死喚令幫助之時曾經勸阻並非預先同謀後因伊弟以張氏不死必致伊母氣死之言相激始行勉從按手實與凡人同謀斃命從而加功者不同是以前照謀殺人從而加功律量減擬流今王瑞既已遵駁改擬杖徒且張氏毆罵其姑原屬罪犯應死之人王大隴應改照罪人本犯應死之罪而擅殺者杖一百律減一等杖九十係助弟共犯仍加一等杖一百折責四十板等語應如該督所題完結等因乾隆四十六年九月十九日題二十一日奉 旨依議欽此

山西

起爲報明事會看得靈石縣民婦趙張氏商同伊婿張翔鵠勒死伊女張趙氏一案據山西

巡撫雅德疏稱緣張翔鵠繼娶趙氏爲妻素不和睦乾隆四十六年二月間張趙氏歸寧赴鄉婦張辛氏家閑坐適有王趙氏賀燕氏共聚張辛氏曾向貨郎擔上買有木牌起意邀賭王趙氏等答無錢文張辛氏令分豆作馬輪贏記帳俟有錢償還各皆依允四人同賭張趙氏共輸欠張辛氏等錢五百三十文而散至三月初四日張趙氏竊取張翔鵠銀五錢欲償賸欠被張翔鵠搜獲詢悉前情向其責罵趙氏曠地哭罵張翔鵠因趙氏不守婦道欲行休棄往訴妻母趙張氏令將趙氏領回趙張氏隨至張翔鵠家將趙氏訓斥趙氏臥炕不起愈肆潑冒初七日上午張翔鵠復催張氏將女領回張氏入房瞥見趙氏睡熟因念及伊女聚賭潑悍不服管教心生忿恨起意勒死與張翔鵠商允張氏尋取麻繩從趙氏項脖繞轉咽喉與張翔鵠分頭抽勒殞命張翔鵠堂叔張大剛主令私埋滅跡張翔鵠備棺將張趙氏屍棺擡埋張來喜等各得工錢而散經鄰婦田劉氏投明牌頭報縣審認不諱查趙張氏因出嫁之女張趙氏聚賭潑悍不守婦道致伊婿張翔鵠堅欲休回隨起意勒死是張趙氏已有違犯教令之罪張翔鵠幫同勒死伊妻雖係爲從但例無聽從他人謀故殺妻得以輕減明文自應仍按本律定擬將張翔鵠依律擬絞監候趙張氏等擬以徒杖等因具題前來查律載尊長謀殺卑幼依故殺法故殺子孫者杖六十徒一年又律